


लईका मन बर बाईबिल  
प्रस्तुत करत हवे।



एलीसा, चमत्कार  
वाला मनखे



लिखे गए हवे। : Edward Hughes

उत्साह बढ़े गए हवे। : Lazarus

चयन करे गए हवे। : Ruth Klassen

अनुवाद करे गए हवे। : मधुलिका महतो

बनाए गए हवे। : Bible for Children  
[www.M1914.org](http://www.M1914.org)

©2015 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार  
तभे तक हे जब तक आप मन एला बेचिहा नाही।



नांगा ला खींचे बर अतकी बईला  
नई रहिस। एकठन अउ बईला  
के दरकार रहिस। ये दरकार हा  
एलीसा नाव कर एकठी किसान  
ला नई रोके सकीस।



ओहा गवाए बईला के जघा ला  
लिस अउ बईला के संग अपन  
ला मिला लिस। ओहा एकठी  
अब्बड़ तगड़ा, चलाक अउ कड़ा  
मेहनत करए वाला मनखे रहिस।





एलीसा हा जोताई करत रहिस,  
तभे, भगवान कर भविष्य बतोइया  
एलियाह आके ओला बुलाईस ।  
जवनहा, भगवान के सेवक होए  
बर खेती बारी ला छोड़ दिस । एक  
दिन, भगवान हा एकठी गर्रा-धुका  
दुवारा एलियाह ला स्वरग म उठा  
लिस । अब एलीसा

इसराइल बर  
भगवान कर  
भविष्य बतोइया  
रहिस ।



एलियाह के चले जाए कर  
कारन एलीसा दुखी रहिस, त  
ओहा भगवान ले पराथना करिस  
की ओला घलो एलियाह कस  
सक्ती मिलए ।



एलीसा हा एलियाह के ओनहा ला  
उठाईस, अउ एलियाह कस नदिया  
के बोहात पानी ला मारीस। पानी हा  
भाग होंगे। अब एलीसा जान दारिस  
कि भगवान ओखर संग हे।






एलीसा बेतेल नाव कर  
एकठी सहर म जात रहिस,  
कुछु जवनहा मन "उपर  
जावय कहेके ओखर मजाक  
उड़ाइन। ऐ चेठला!" एलीसा  
भगवान कर सेवक रहिस,  
ओखर ओमन कोन्हो परवाह  
नई करिन। ओमन ला  
एकठन चउकए वाला घटना  
हा घटिस। दो ठी भालु  
डोंगरी ले बाहिर आइन अउ  
उ बयालीस ठन जवनहा  
मन ले चीर खाईस।








एक दिन एलीसा हा  
एक ठन बिधवा ले  
मिलिस, जेउन हा  
करजा म पइसा ले  
रहीस, त ओला छुटए  
नई सकत रहिस।  
करजा के पईसा उकारे  
के बदला म करजा के  
देवइया मनखे बिधवा  
अउरत के दु बेटा ला  
अपन कमिहा के रूप  
मा ले जात रहिस।







एलीसा हा कहिस,  
“अपन जम्मो परोसी  
के लकठा मा जावव  
अउ खाली बटकी  
ला उधार म ले  
जावव ... खाली  
बटकी ला।” तउन  
अउरत बर भगवान  
कुछु अद्भुत करए  
जा जात रहिस।



बिधवा के घर म खाली तेल  
के एकठी छोटकुन गिना  
रहिस। लेकिन उ छोट अकन  
गिना ले ओहर जम्मो गिना  
मन ला तेल म भर दिस।  
जदि उ दिन म स्नांदे कर  
कठउती होतिस त का आप  
मन नई सोचत हावा कि  
भगवान हा ओला घलो मार  
देतीस? बिधवा हा तउन तेल  
ला बेच के अपन बेटा ला  
बचा दारिस।



एक अउ दुसर अउरत अउ ओकर घरवाला,  
एलीसा बर अपन घर म एक ठी परमुख  
कुरिया कर निरमान करिस,  
ताकि जब ओहा ओ  
तिअंगत ले गुजरे  
तउहां एक सकए ।  
कुरिया म ओमन  
एक ठी बिछना,  
एक ठन तखता,  
एकठन कुरसी, अउ एक  
ठन दीवट लगवाइन । ओ  
कुरिया हा सब्बो दिन बर एलीसा  
बर सुरकछित करए गए रहिस ।




एलीसा इ जोड़ी के दयालुता म अचरच करतिस अउ सोचत रहिस  
कि कइसे ओला छुटाए । जब ओला जान दारिस कि उंकर कोन्हो  
लईका नई रहिस तब ओता तउन महिला ले कुछु अइसन कहिस,  
कि साईद ओहा बिसवास कर सकए बर कठिन रहिस । “आघु बछर  
कम से कम इ बेरा म  
तुमन अपन बेटा ला  
घेंच म लगाइहा ।”  
सित्तो म सही बेरा  
म, एक बछर पाछु,  
लईका जनमीस ।



कुछु बछर पाछु ओही लईका अपन ददा के संग डोली म रहिस ।  
“मोर मुड़ी, मोर मुड़ी कहिके,” टुरा हा नरियाईसः जब ओखर  
महतारी के तीर म टुरा ला लाए गईस, ओहा मंझनिया तक अपन  
घुटना म बईठे रहिस, अउ ओखर पाछु ओखर देहांत हो गईस ।  
एलीसा के कुरिया म बिछना म दाई हा तउन टुरा  
ला राख दिस । कउन ओखर

मदद करय  
होही, आप  
मन का  
सोचत  
हावन ?



का आप हा एलीसा के नाव ला बताय हावन ? हाहो येहा सही है ।  
ओखर दाई एकठन गदहा म लकरी ला बांधिस अउ ओला खोजे बर  
फुरति ले चल दिस एलीसा ओखर घर आईस, एकेझन उपर कुरिया  
म चल गईस अउ भगवान  
ले पराथना  
करिस ।



भगवान हा टुरा के जिनगी ला वापिस दे दिस। “एलीसा महिला ला बुलाईस अउ ओखर बेटा ला ले जाए बर कहिस।” ओहा कतेक खुस होए होही।








सीरिया के लकठा के देस  
म एकठी नामान नाव के  
एकठन सइना के सेनापति  
रहत रहिस। ओहा बहादुर  
अउ बलवान रहिस, लेकिन  
ओहा एकठन जब्बड़ चरम  
रोग, जेला कोढ़ी रोग कहत  
हावय उही ले पीड़ित  
रहिस।



नामान के सुवारी करा  
इसराइल ले लाए हवय  
एकठन नानकुन गुलाम टुरी  
रहिस। नानकुन टुरी हा ये  
कहिस, "जदि खाली मोर परभु  
नामान, भगवान के जन करा  
जाहि त जेन इसराइल म रहत  
हावय त ओहा ओखर कोढ़ी  
रोग ले बने हो जाहि।"



नामान एक घा, नबी ला देखे बर योजना  
बनाईस। तेउन हा भेंट म चांदी, सोना, अउ  
सुग्घर ओन्हा संग म ले गईस।





एलीसा के कमीहा हा  
बाहिर आइस अउ  
कहिस, "जावा, यरदन  
नंदिया म सात घा  
डुबकी लगावव अउ  
तय हा अपनेच चंगा  
हो जाबे।" नामान  
अब्बड़ जंगाए रहिस।





का ओहा अपनेच देस,  
सीरिया म सप्फा,  
सुथरा नंदिया म स्नांदे  
नई सकत रहिस?  
जंगाके, ओहा अपन  
घर अंगत जाए बर  
आघु बढिस ।





भाग्य ले नामान के  
सेवक मन हा, एलीसा  
कर आदेश ला पालन  
करए बर बिनती  
करिस। तब नामन तरी  
म गिसस अउ यरदन म  
सात घा डुबकी लगाई  
अब कोढ़ी नामान हर  
चंगा हो गय रिहित।





तब नामान, सित्तो  
भगवान के पुजा  
करिस, एलीसा के  
भगवान, कोढ़ी  
रोग ले चंगा  
करिस हय ओही  
यहवा भगवान  
हय ।





एलीसा के मउत के  
पाछु घलव भगवान हर  
अपन दास के इस्तेमाल  
करीस । एक दिन जेकर  
एलीसा ला बड बेरा  
आघु माटि दे गय  
रहिस । जब मनखे के  
लास, नबी के हाड़ा ला  
छुइस तब ओ मनखे हा  
फेर ले जी गईस अउ  
अपन गोड़ मन में ठाढ़  
हो गईस ।







सित्तो म भगवान हा  
अपन वफादार सेवक,  
एलीसा के द्वारा  
अपन सबले बड़खा  
ताकत ला देखा देए  
रहिस ।



एलीसा, चमत्कार वाला मनखे

इ कथा हर भगवान के बचन के द्वारा एक ठी बाईबिल

पाए जाथे ।

2 राजा 2-13

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

